

Zeitschrift:	Igl Ischi : organ della Romania (Societat de Students Romontschs)
Herausgeber:	Romania (Societat de Students Romontschs)
Band:	24 (1934)
Rubrik:	Rapport della radunanza generala d. Romania a Glion, ils 22 d'ouest 1932

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 02.04.2025

ETH-Bibliothek Zürich, E-Periodica, <https://www.e-periodica.ch>

Alla finala stuein nus far ina meins emperneivla remarca: Cun l' academia romontscha a Sviz va ei prest da rendiu. Sche co? Ina raschun ei: la gronda, liunga crisa mundiala, che crescha ad in crescher, la miseria sociala, purila. Schei vus sezs: co sa il fegl studegiar, sch'il bab ha buca de pagar e pertgei duei il fegl studegiar sch' el anfla suenter buca plazza? L'autra raschun ei: entras l'introducziun digl examen de maturidad el collegi de Mustér, restan e concludan ils students romontschs ils studis gimnasials en lur patria.

L' academia romontscha a Sviz sa cun uonn mirar anavos sin buca meins che 18 nuninterutas annadas. — Quei havein nus aunc vuliu allegar en questa nossa cuorta relaziun, sinaquei che mintgin seigi informaus en caussa. Pia nuota per mal!

Il protectur: *A. Giger, prof.*

Sviz, ils 20 de december 1934.

Rapport della radunanza generala d. Romania a Glion, ils 22 d'uost 1932

Abstrahond dell' usitada fiasta populara, sefundond sin art. 5 de nossas statutas, han ins vuliu deliberar en ina radunanza dils activs e d' entgins commembres honoraris las fatschentas statutaricas.

Allas 10.30 seradunan ils activs el Hotel dell' Alpsu. La proposta de nies president cand.

iur. Emanuel Huonder, de fundar in' atgna cassa de viadi, vegn acceptada unanimamein. Suenter liunga discussiun, co ingrondir la cassa ei la radunonza sesligiada, per lu udir l'opiniun dils commembers honoraris della Romania ella radunonza communabla dil suentermiezdì.

Allas 2 s. m. vegn la radunonza generala aviarta. Presents ein 25 students. (Il vice-pres. stud. med. dent. Cavelti ei buca comparius.) Il president ha l'honur d'astgar beneventar ils suandonts signurs: Sur canoni Camathias, Dr. Ramun Vieli, vegl cuss. guv. Dr. Willi, Dr. G. Condrau, mistral Demont, Dr. Cagianut, prof. Dr. Tuor, Dr. Aug. Cahannes, Sur G. Cadieli, Dr. vet. Decurtins e Dr. Federspiel. Las tractandas ein allura vegnidias reguladas speditivamein: Prelecziun dil protocol della fiasta a Vella, rapport dil cassier sgr. scol. Huonder e dils revisurs de quen sgr. Dr. Aug. Cahannes e sgr. Pl. Durschei, approbaziun dils quens e dil rapport dil Tschespet e digl Ischi. Silsuenter concluda la radunonza de fundar sper la cassa generala aunc ina cassa de viadi per ils commembers activs, cun igl intent de levgiar als commembers activs la frequenza della radunonza generala. Ils delegai per la Ligia Rom. procura sgr. prof. Vieli. A sgr. Tumasch Dolf eis ei vegniu renconuschiu ina gratificaziun (50 fr.) per sias breigias enten rimnar canzuns romontschas. El niev comite ein vegni elegi per igl onn 32/33:

President: Gieri Arpagaus, stud. teol., Peiden
 Vice-pres.: Luis Derungs, stud. teol., Lags,
 Actuar: Ignazi Beer, stud. ped., Tavanasa,
 Com. hon.: Sur Gion Cadieli, plevon, Trun,
 sgr. F. Tuor, fabricant, Trun,
 Revisurs d. quen: sgr. Dr. Aug. Cahannes, Cuera,
 sgr. Victor Sialm, Segnas-Mustér.

Per aunc saver partir cul tren d' ensi, vegn la radunanza officiala serrada a bun' ura cun in cauld «A bien seveser a Trun», nua che la Romania vul seradunar 1933 per celebrar il centenari della mort de P. Placi a Spescha.

Igl actuar: *Ignazi Beer*, stud. ped.

Rapport della radunanza populara d. Romania a Trun, ils 27 e 28 d' uost 1933

Fiesta della Romania a Trun unida cun il 100 avel anniversari della mort de pader Placi a Spescha.

Sco nos babuns ein era ils students serimnai a Trun sper igl ischi, mo quella ga per semetter sin via encunter Pustget. Ordavon marscha la musica de Trun. Ei suonda il comite della Romania cun la bandiera sgolatschonta e varga 50 students. Era il pievel pren viva part dil til.

Arrivai sin la plazza festiva avon la casa paterna de P. Placi, ascenda il president della Romania, Gieri Arpagaus, stud. teol. la tribuna e tegn siu plaid de beneventaziun. Il pli grond pla-